

**SAKSFRAMLEGG**

<b>Sakshandsamar:</b> Jan Erik Boge	<b>Arkivkode:</b> FE-041
<b>Arkivsaksnr:</b> 18/787	<b>Løpenr:</b> 19/1247
<b>Sakstype:</b> Politisk sak	

**SAKSGANG**

<b>Styre, utval, komité m.m.</b>	<b>Møtedato</b>	<b>Saksnr</b>
Kommunestyret	21.02.2019	010/2019

**Vurdering av barnevernsaker i Samnanger kommune - ny handsaming****21.02.2019 Kommunestyret:**

Handsaming i møtet:

Ordførar Knut Harald Frøland (Bl) orienterte innleiingsvis om at rådmannen ønska at saka skulle handsamast for lukka dører. Møtet vart lukka medan kommunestyret drøfta om saka skulle handsamast for lukka dører. Møtet vart opna igjen før røystinga om dette spørsmålet.

Kommunestyret vedtok samrøystes at saka skulle handsamast for lukka dører, med heimel i § 31.4 jf. § 31.2 i kommunelova. Møtet vart etter dette lukka igjen.

Inge Aasgaard (Krf) bad om å få gildskapen sin vurdert. Han orienterte også kort om bakgrunnen for dette. Han gjekk frå medan kommunestyret handsama gildskapen hans. Inge Aasgaard vart samrøystes funnen gild, og deltok derfor i den vidare handsaminga av saka.

Rådmann Charlotte Hageberg gav ei kort orientering om dei tre barnevernsakene som saka gjeld. Etter dette svarta ho på spørsmål under debatten i kommunestyret.

Undervegs i debatten kom Inge Aasgaard med ny informasjon knytt til spørsmålet om gildskapen sin. Han informerte om at han hadde møtt som vitne frå kommunen i fylkesnemnda i ei av barnevernssakene som saka gjeld. Gunn Totland Moss (Krf) informerte om at også ho møtte som vitne i den same saka, i eigenskap av at ho var helsesøster i kommunen. Det vart etter dette gjennomført ny debatt i kommunestyret om gildskapen til Inge Aasgaard, samt om gildskapen til Gunn Totland Moss. Begge to gjekk frå under denne debatten.

Inge Aasgaard vart funnen gild med 12 mot 6 røyster:

<b>Gild</b>	<b>Ugild</b>
Knut Harald Frøland (Bl)	Øyvind Strømmen (Mdg)
Bjarte Linga (Bl)	Anja Elisabeth G. Markhus (Bl)
Bright Olav Gåsdaal (A)	Martin Haugen (Bl)
Harald Boge (A)	Monica Tjønna (Sp)
Nils Aadland (A)	Lena Tveit (Bl)
Vidar Tveiterås (A)	Sture Tveit (H)
Roger Urås (A)	
Gunnar Bruvik (Frp)	
Odd Arne Haga (Frp)	

Jon Magne Bogevik (Uavh)	
Arild Røen (H)	
Øyvind Røen (Sp)	

Gunn Totland Moss vart funnen gild med 14 mot 4 røyster:

Gild	Ugild
Knut Harald Frøland (Bl)	Øyvind Strømmen (Mdg)
Bjarte Linga (Bl)	Anja Elisabeth G. Markhus (Bl)
Bright Olav Gåsdal (A)	Martin Haugen (Bl)
Harald Boge (A)	Lena Tveit (Bl)
Nils Aadland (A)	
Vidar Tveiterås (A)	
Roger Urås (A)	
Gunnar Bruvik (Frp)	
Odd Arne Haga (Frp)	
Jon Magne Bogevik (Uavh)	
Arild Røen (H)	
Sture Tveit (H)	
Øyvind Røen (Sp)	
Monica Tjønnå (Sp)	

Etter dette tok Inge Aasgaard og Gunn Totland Moss plass igjen i møtet og deltok under resten av handsaminga av saka.

Møtet vart opna igjen før kommunestyret si endelege røysting i saka. 10 medlemmer røysta for rådmannen sitt framlegg til vedtak og 10 røysta imot. Rådmannen sitt framlegg vart vedteke med ordføraren si "dobbelstemme" ved stemmelikheit.

For rådmannen sitt framlegg	Imot rådmannen sitt framlegg
Knut Harald Frøland (Bl)	Nils Aadland (A)
Lena Tveit (Bl)	Bright Olav Gåsdal (A)
Anja Elisabeth G. Markhus (Bl)	Vidar Tveiterås (A)
Bjarte Linga (Bl)	Roger Urås (A)
Øyvind Røen (Sp)	Harald Boge (A)
Monica Tjønnå (Sp)	Inge Aasgaard (Krf)
Gunn Totland Moss (Krf)	Jon Magne Bogevik (Uavh)
Gunnar Bruvik (Frp)	Arild Røen (H)
Odd Arne Haga (Frp)	Sture Tveit (H)
Øyvind Strømmen (Mdg)	Martin Haugen (Bl)

#### KS- 010/2019 Vedtak:

Kommunestyret ber om at det vert iverksatt ei ekstern gransking av dei tre barnevernsakene i Samnanger kommune som rådmannen har motteke bekymringsmelding om. Det skal i granskinga sjåast på om kommunen si handtering/framgangsmåte i sakene har vore i samsvar med gjeldande reglar, normer og verdiar. Ein skal sjå på prosessane fram mot vedtak/beslutningar og vurderer metodane som er brukt.

Det må så langt som mogleg konkluderast i kvar av dei tre sakene og seiast noko om det ligg føre nokon grunn til oppreising i sakene. Rapport frå granskinga må liggja føre innan utgangen av oktober 2019. Kommunestyret skal få presentert resultatet av granskinga når rapporten ligg føre.

Rådmannen har ansvar for å førebu og gjennomføra konkurranse om granskingsoppdraget, og for å velja leverandør og inngå kontrakt med dei som skal gjennomføra oppdraget. Det er ein føresetnad at dei som skal gjennomføra oppdraget, må ha nødvendig barnevernfagleg og juridisk kompetanse. Det vert løyvd 600.000 kroner til dette arbeidet, finansiert av disposisjonsfondet. Dersom det vert

behov for ytterlegare midlar, må det leggjast fram sak om dette i kommunestyret.

#### **Rådmannen sitt framlegg til vedtak:**

Kommunestyret ber om at det vert iverksatt ei ekstern gransking av dei tre barnevernsakene i Samnanger kommune som rådmannen har motteke bekymringsmelding om. Det skal i granskinga sjåast på om kommunen si handtering/framgangsmåte i sakene har vore i samsvar med gjeldande reglar, normer og verdiar. Ein skal sjå på prosessane fram mot vedtak/beslutningar og vurdere metodane som er brukt.

Det må så langt som mogleg konkluderast i kvar av dei tre sakene og seiast noko om det ligg føre nokon grunn til oppreising i sakene. Rapport frå granskinga må liggja føre innan utgangen av oktober 2019. Kommunestyret skal få presentert resultatet av granskinga når rapporten ligg føre.

Rådmannen har ansvar for å førebu og gjennomføra konkurranse om granskingsoppdraget, og for å velja leverandør og inngå kontrakt med dei som skal gjennomføra oppdraget. Det er ein førestnad at dei som skal gjennomføra oppdraget, må ha nødvendig barnevernfagleg og juridisk kompetanse. Det vert løyvd 600.000 kroner til dette arbeidet, finansiert av disposisjonsfondet. Dersom det vert behov for ytterlegare midlar, må det leggjast fram sak om dette i kommunestyret.

#### **Dokument som er vedlagt:**

Kopi av sakspapir kommunestyret 13.12.2018 - Vurdering av barnevernsaker

#### **Kva saka gjeld:**

Sak om vurdering av barnevernsaker i Samnanger kommune stod på saklista i kommunestyret 13.12.2018. Kommunestyret vedtok då å utsetja saka, og gjorde følgjande vedtak:

- *«Kommunestyret ber om meir utfyllande informasjon for å få betre grunnlag for å vurdere om saka skal opnast.»*

Saka vert no lagt fram for kommunestyret på nytt. Rådmannen vil gje utfyllande informasjon munnleg i kommunestyremøtet 21.02.2019.

Rådmannen sitt framlegg til vedtak er identisk med framlegget som vart lagt fram for kommunestyret 13.12.2018, med følgjande unnatak:

- Frist for ferdigstilling av granskingsrapporten er endra frå utgangen av mai 2019 til utgangen av oktober 2019.

Bakgrunnen for denne endringa er at det no ikkje vil vera realistisk å få ferdig granskingsrapporten før sommarferien 2019.

For informasjon om kva saka gjeld, vert det vist til saksutgreiinga til kommunestyremøtet 13.12.2018, som følgjer vedlagt.

I rådmannen sitt framlegg til vedtak vert det foreslått å løyva midlar frå disposisjonsfondet for å finansiera granskinga. Pr. 31.12.2018 var disposisjonsfondet på 7.620.024 kroner.